

TLHAGISA MAIKUTLO

TALETSO GO SETŠHABA GO TSAYAKAROLO GO SAMITI YA PALAMENTE YA TIRISODIKGOKA KA DIGONGWANA

Potfolio Komite ya Sepodisi e laletsa baagi, merafe, batswasetlhabelo ba bosenyi, mekgatlho ya baagi, ditheo tsa sedumedi, dipopo tsa bašwa, babatlisisi, mekgatlho ya baagi, dikgwebo, le baamegi botlhe ba ba nang le kgatlhego go tsaya karolo go Samiti ya Palamente ya Tirisodikgoka ka digongwana eo e tlamang karolo ya Patlisiso ya Palamente ka ga Tirisodikgoka ka Digongwana.

Samiti e tla neelana ka polatefomo e e botlhokwa go batho ba ba amegang mmogo le baagi go buisana ka tlamalalo le Palamente ka ga tlhologo, ditlhola, seabe le ditlamorago tsa tirisodikgoka ka digongwana le ditirwana tse di rulaganngwana tsa bosenyi. Segolobogolo, Komite e rotloetsa bang le baagi bao ba itemogetseng tirisodikgoka ka digongwana go tsayakarolo le go arolelanela maitemogelo a bona, matshwenyego le ditshitsinyo tse di ikaeletseng go tokafatsa pabalesego ya baagi le go matlafatsa ikarabelo ya Puso go tirisodikgoka ka digongwana.

Komite e laletsa diabe le metlotlo ka ga dintlha tse di tsenyeletsang, mme di sa lekanngwa go:

- a) Ditlhola le dikgweetsa tirisodikgoka ka digongwana le ditirwana tse di rulannngwang tsa bosenyi;
- b) Seabe sa tirisodikgoka ka digongwana go baagi, malapa, dikolo, dikgwebo, ditirelo tsa tlhokomelo ya boitekanelo, le tomagano ya loago;
- c) Dikgwetlho tse di amanang le tsa sepodisi, bogwenegwene, botlhalefi jwa bosenyi, dipatlisiso, dikotlhao, le dikarabelo tsa bosiamisi jwa bosenyi ka bophara;
- d) Maiteko a pabalesego ya baagi, manaane a thibelo ya tirisodikgoka, le bole Kane magareng ga baagi le Puso;
- e) Seabe sa digongwana go bana, bašwa, basadi, le maloko a mangwe a baagi a a mo matshosetsing; le
- f) Dipaakanyo tsa molao, pholisi, ditheo kgotsa tiragatso tse di tlhokegang go matlafatsa thibelo ya bosenyi, pabalesego ya setšhaba, le ikarabelo ka Puso go tirisodikgoka ka digongwana.

Dintlha tsa Samiti

Letlha: 19 Phatwe 2026

Nako: 09:30 – 17:00

Lefelo: Dikago tsa Palamente, Motse Kapa

Bang le mekgatlho e e nang le kgatlhego e rotloediwa go supa maikaelelo a yona go nna gona mme, fa go kgonegang, go romela tshedimosetso nngwe le nngwe e e maleba, ditlhagiso tse di kwadilweng, kgotsa dintlha tseo e eletsang go ditlhagisa pele kgotsa mo pakeng ya Samiti. Fela, ikwadiso pele kgotsa ditlhagiso tse di kwadilweng ga se tlhokego go tsayakarolo.

Batsayakarolo ba batla Samiting ba tla tlhokiwa go ikwadisa fa ba goroga mo dikagong tsa Palamente.

Ditsamaiso tsa Samiti di tla bulelwa setšhaba le mmediya, go latelwa melao ya palamente, bogolo jwa lefelo, tshekatsheko ya polokesego, le ditlhokego tsa tiragatso.

Ditsamaiso tsa Samiti, mmogo le ditlhagiso dingwe le dingwe tse di amogetsweng, di ka rekotiwa le go dirwa ditokomane go direla okamelolo, go bega, le go itsise dipotso, diphitlhelelo le dikatlanegiso tsa Komiti.

Ditlhagiso di tshwanetse go amogelwa pele ka 16:00 ka Labotlhano, **7 Phatwe 2026 (letlha la bofelo)**. Ka kopo supa kgatlhegelo ya gago go dira tlhagiso ka molomo go Komiti

Dipotso di ka lebisiwa go Moh B Mbengo go 0837098489. Ditlhagiso di tshwanetse go imeilelwa go gangviolenceinquiry@parliament.gov.za kgotsa etela weposaele ya Palamente go www.parliament.gov.za.

E rebotswe ke Rre. I Cameron, MP

Modulasetilo: Potfolio Komiti ya Sepodisi